



Kekonen Kaa pimaatisic Ootootihkwahsiwuy Pakitinikewin

Mishiin kinihtaawikimin eniishowaac ki tootihk wahsiwuyinanak. Shaakooc, kaa mashkawaatisic awiya kwayahk kii pimaatisi emohci peshikonic ootootihkwahsiwuyan. Mii tash ohowe kaa icikaa tek kaa mashkawaatisic cikii miinaac peshik ootootihkwahsiwuyan awiyan ootootihkwahsiwuyan ekaa kaa ishihsenic. Mii howe Kaa pimaatisic Ootootihkwahsiwuy Pakitinikewin. Awiya kaa mii naac ootootihkwahsiwuyan kaa antawenimaanic ishinihkaa naa “kaa pimaatisic opakitinike, miina awiya kaa antawenimaac ootootihkwahsiwuyan ishinihkaa naa “kaawii miininc ootootihkwahsiwuyan.”

Kaa kiishi nihtaawikic awiya kaa mashkawaatisic takii naanaakacihaa ciinaapatistic kaa pimaatisic opakitinike. Kahkina awiya kaawii pakitinikec pi namaa kwayahk ci naanaakataweniminc kehci naac ci mashkawaatisic cikii miinaac awiyan ootootihkwahsiwuyan kaa antawenimaanic.

Ootootihkwahsiwuy pakitinikewin toocikaate emaa cishikaniwic ootootihkwahsiwuyan peshik ci otaah piniminc miina cimaacishikaniwic kaawii miininc ootootihkwahsiwuyan. Kaa ishkwaaw pakitinikec, opakitinike kaa peshikonic ootootihkwahsiwuyan awashime ani kici anohkiiwan, ehanohkawaac kaakii otaahpiniminc ootootihkwahsiwuyan. Opa kitinike otaakii naanaakacihikoon mashkihkiwi niniwan peshikwaa tahso ahki kehcinaac kwa yahk ciishihsenic kotakiyan kaa ayaawaac.

Aaniinihi aaninta otaahkosiik wenci anta wenimaawaac ootootihkwahsiwuyan?

Ootootihkwahsiwuyak okisiinaanaawaa ki miyawii naan. Okanawentaanaawaa kaye minikohk shii wihtaakan miina owaakam ehayaak ki miyawii naank. Eshkam inaahpinewin naanta aahkosiwin taapishkooc kaa ishpihsek mihko naanta shukaa waahpinewin, otaakii kipihtinaan ootootihkwahsiwuyan ekaa ci anohkiinic. Ohowe kaa ishihsek, mii eshinihkaatek “kaa ishkwaaw anohkiic ootootihkwahsiwuy-aahpinewin,” ihiwe onci aasha ahpin eni peshawaapantank ci ishkwaaw anohkiic kwa yahk. Ootootihkwahsiwuyak kaa poonanohkiiwaac otaahkosii naanta cikii ishi wiicihinc ci kisiinikaate nik omisko. Peshik kekonon kekii toocikaatek ootootihkwahsiwuyan cikii miinintipan. Ootootihkwahsi wuy takii ontinaa kaa mashkawaatisic awiya (kaa pimaatisic opakitinike) naanta kaye awiya noon kom kaakii ishkwaaw pimaatisic (kaa nipoc opaki tinike). Cahkaapihkeshiminc miina takii toocikaa te. Kaa cahkaapihkeshiminc otaapacihtoon pimi panihcikanini otaapacihtoon ekisiinank omisko. Ahaweniwak kekii kahshkitoowaac, ci miinikoc kaa pimaatisinic opakitiniken maawac ta minose.

Aan eshi minohsek Kaa pimaatisic Ootootihkwahsiwuy Pakitinikewin?

- Otaahkosiik ootootihkwahsiwuyiwaank kaani kiishaahpinewaac miina kekii miinikoc ootootihkwahsiwuyiniin, ootootihkwahsiwuyan kaa pimaatisic awiya maawac ta minosewan.
- Kaa pimaatisic ootootihkwahsiwuy pakitini ke nawac kinwensh ishihsewan ahpiici kaa nipoc opakitinike.
- Kaa pimaatisic ootootihkwahsiwuy pakitini kewin otaakii kipihtinaan otaahkosiin ci cah kaapihkeshininic.
- Kahkina otaahkosii kaa miinikoc kaa pi maatisinic opakitiniken ta niikate piihwaaw kaa piihaac kaa niponic ootootihkwahsiwuyiniin. Tawinci tahkwaani ke piihwaaw kotakiyak otaahkosiik kaa akine piihontwaa.
- Pakitinikewin miina maacishowewin takii onahcikaate ahpii wahaweniwak niishin opa kitinike miina kaawii miininc ootootihkwahsi wuyan mashkawaatisiwaac. Mashkawaatisic awiya oka wiicihikon ciwiipac mino ayaac ish kwaa maacisonc.



- Mishiin kaakii pakitinikewaac ootootihkwa hsiwuyiwaan ihkitowak kaa wiichimc awiya maawac minoshkaakemakan.

Pikwawiya ina takii Pakitinike Ootootihk wahsiwuyan?

Piko awiya kaa mashkawaatisic kaa kiishikic takii aapacihaa kaa pimaatisic ootootihkwahsiwuy paki tinikewinink. Kekii pakitinikec naanta inawemaa kan, ootoemimaa, kotakiink kaa kapeshic, naan ta kaa kihkenimaac kaawii miininc ootootihkwahsi wuyan. Kaawii pakitinikec kaawin kataac peshi kwan ci tahso pipoonec, piko naape naanta ih kwe, naanta cipahkaanayekisic, kaawii miininc ootootihkwahsiwuyan. Tepwe, pikwawiya takii aa patisi kaa inentank.

Opakitinike miina kaawii miininc ootootihkwahsi wuyan ci naanaakacihintwaa miina ciishi naakosi waakwen minkohk ke pakitinikaaniwank miina ci maacishonc miinaakan. Aatika, kaawii pakitinikec ci mashkawaatisic ewii maacishikaniwic miina ci kwayahk ishi ayaac ahpin mohci peshikonic otoo tihkwahsiwuyan. Peshikwan, aanawiin kaawii mii ninc ootootihkwahsiwuyan aasha eyishkwaa anoh kiinic ootootihkwahsiwuyan miina ehantaweni maac oshki ahaan, antawentaakosi ci mashka waatisic kaawii maacishikaniwic miina ci kii otaah pinank mashkihkiini ke wiichikoc ci mino kiikec omaacishikoowinink. Omiskwiim naanaakatawen cikaateni kiishpin opakitinike omisko miina ocii wakan peshikwan eshinaakwaninikwen kaawii miininc ootootihkwahsiwuyan. Mashkihkiwi naa naakatawencikewin miina ciishi naakosiwaakwen ta kanawaapamaawak ke kiishikaanik ci waapa minc.

Kaa ishkwaaw pakitinikaaniwank, pakohsenimaa opakitinike ciishi mino ayaac. Ci mino ayaac anta wenimaa waawipac ci naanaakacihinc miina ci kanawenimikoc omashkihkiwininiiman.

Aan tashwiin kaawii Pakitinikec miina kaa wii miininc ootootihkwahsiwuyan ekaa minoshkaakonic?

Kiishshpin misko naanaakatawencikewin naak wahk opakitinike miina kaawii miininc ekaa mino shkaakoc, mii eshinhkaatek “kaawin nahihshkaa tihsiiwak.” Mii ke ishihsek kiishshpin opakitinike omiskwiim ekaa peshikwan ishihskwenic kaa wii miinaac. Naanta, kaawii miininc ootootihkwahsi wuyan kecoonini ehayaac ekaa kewinci mino kii kenic otoohshki ootootihkwahsiwuyan.

Kiishshpin ekaa minosenik opakitinike kaa miinaac, kiyaapic otaakii kakwe mihkawaan kewiichihaac Ootootihkwahsiwuy Niisho Pakitinikewinink. Oho we wiichiwewin okakwe mihkawaan ootootihkwah siwuy pakitiniken miina ootootihkwahsiwuyan kaa antawenimaan. Kakwecim kaa pimaatisic otoo tihkwahsiwuy Pakitinikewin naanta kaa tashi maa cishontwaa kiyaapic wii kihkentaman naanta kiiwiken blood.ca/organs-tissues.

Paahpahkaan Pimaatisiwi Pakitinikewin

Onencikewi Miikiwewin Ohowe pakitinikewin kaa icikaatek awiya kaawii pakitinikec ekihkeni maac awiyan ke miinaac miina eminoshkotaati waac ahaweniwan. Kaa onenimaac kaawii mii naac otakii inawemaan (taapishkooc, oniikihi koon, oniicaanishihshan, wiichkiwesiwan miina wiichkwewan, omishooman ohkoman) naanta ekaa kaa inawemaac (taapishkooc, kaa wiitike maac, ootoeman, owitanohkiimaakanan).



Piko awiyan kiimootaac pakitinikewin (NDAD) Ohowe pakitinikewin aapatan ahpii awiya kaawii pakitinikec oototihkwahsiwuyan piko awiyan kaa minoshkaakonic ci aapacihaanic. Ohowe pakitini kewin oka wiichikon peshik kaawii miininc kiish pin oototihkwahsiwuyan ishi miininc kaa masina hikaasoc epiihaac. Kaye tash, ohowe pakitinike win okakii wiichikoowaan mishiin awiyak ihimaa Oototihkwahsiwuy Niisho Pakitinikewinink. Oho maa wiichiwewinink, peshik piko awiyan oototih kwahsiwuy pakitinikewin kaa wiichi tooc otaakii maaciwepahaan ahpin ci minohsenik.

Kaa pimaatisic pakitinikewin kaa tanaatisiyan ki kakii miinik tipaacimoowinini onci Oototihkwahsi wuy Niisho Pakitinikewin wiichiwewin. Kikakii on tinaan tash kaye pinci piiwaapihk, ihimaa blood.ca/organs-tissues

Aan keshi maacihikeyaan?

Kiihshpin kihkenimac awiya epiihtaac oototihkwa hsiwuyan cimiininc tashintamaw. Naanta, kitaa kii kanoonaa kaa pimaatahk pakitinikewin kaa tanaatisiyan. Kiishpin pakohsentaman piko awi ya cikii miinac ekaa ci wiinikooyan kaa pimaa tahk pakitinikewin kaa tanaatisiyan ihimaa kitaa kii wiichikok. Keshi kanoonac kaa pimaatahk pak itinikewin wiichiwewin ohomaa Canada ayaa pii waapihkoonk, ihimaa blood.ca/organs-tissues.

Program contact information *Keyishi naakohcikaatek: kikiran ci pinihskweyak mihtikowash wiichiwewin keshi kanonintwa masi nahkan oshtikwan.*

Canadian Blood Services kaawin shooni yaahke makahsinoon pimiwicikewin. Health Canada otoonci kanawentaan mii yawan ewinci mashkihkiikaakec miina eti pahamiwaac ahki okimaak kaye kiiwetin onk aahkosii okimaak, Canadian Blood Services pimiwicike minsiwe Canada, ki ci aapacihtaakanan miina okimaawinink eshi peshikwahk Canada otaahkosiwi pimiwicikewinink. Ekwa wiin misko, mis kwiwaapo miina kaa kiikehiwe makahk mishkwiikank, ni wiichihaamin otaahkosiik minsiwe Canada ekaa ehta Quebec. Ahiink itashwiin miyawii pahkesiwinan mii na ociwakoon ni pimitoomin akinepiihi kanan minsiwe Canada miina paahpah kani ahkii okimaa pimiwicikewinink miya wi pahkesiwinan kaa wiici aapacihcikkaa tekin miina ewiitanokiimitiwaac ahkii okima owiichiwewinink ci awashime minosek pimiwicikewin kewinci wiichikoc kahkina awiya ohomaa Canada.